

Annertuumik innarluutillit ikiorserneqartarnerat pillugu Inatsisartut peqqussutaata allanngortinneqarnera pillugu Inatsisartut peqqusutaat (Ingerlatsinermut tapiissuteqartarnermut inatsisitigut tunngavissaq)

§ 1

Annertuumik innarluutillit ikiorserneqartarnerat pillugu Inatsisartut peqqussutaanni nr. 7, 3. november 1994-imeersumi Inatsisartut peqqussutaat nr. 13, 31. oktober 1996-imeersukkut aamma Inatsisartut peqqussutaat nr. 1, 23. maj 2000-imeersukkut allanngortinneqartumi imatut allanngortitsisoqassaaq:

1. § 18-ip kingorna ilanngunneqassaaq:

" **§ 18 a.** Naalakkersuisut sannavinnut illersugaasunut annertuumik innarluutillit nammineq inigisaminni najugaqartut suliffigisaannut ingerlatsinermut tapiissutissanik aningaasaliisinnaapput. Aningaasarsianut aningaasartuutitut kiisalu suliffissaqartitsiniarnermi atortussanut aningaasartuutitut ingerlatsinermut tapiissuteqartoqarsinnaavoq.

Imm. 2. Sannavimmut illersugaasumut ingerlatsinermut tapiissutissanik qinnuteqaatip suliarineqarneranut atugassatut kommuni ukiumoortumik naatsorsuutininik, missingersuutininik aamma ukiumoortumik nalunaarusiamik nassiussissaaq.

Imm. 3. Naalakkersuisut sannavinnut illersugaasunut annertuumik innarluutillit nammineq inigisaminni najugaqartut suliffigisaannut ingerlatsinermut tapiissutissanik agguuassisarnermut maleruagassanik erseqqinnerusunik aalajangersaasinnaapput.

§ 2

Inatsisartut peqqussutaat atuutilerpoq ulloq 1. januar 2007.

Namminersornerullutik Oqartussat, ulloq 20. november 2006

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut